



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Vitis Aqvilonia seu Vitæ Sanctorvm Qvi Scandinaviam  
Magnam Arctoi Orbis Peninsvlam Ac præsertim Regna  
Gothorum Sueonumq[ue] olim rebus gestis illustrarunt**

**Vastovius, Johannes**

**Coloniæ Agrippinæ, Anno M.DC.XXIII.**

Vithmarus Episcopus C.

**urn:nbn:de:hbz:466:1-38534**

VITHMARVS EPISCO-  
PVS FLORVIT ANNO  
CHRISTI 828.

GREGORIO IV. Pontifice.

LVDOVICO I. Imperatore.

BIORNO & OLAO R.R.

Vithmarus S.  
Ansgarii in  
Sueciam co-  
mes.



**V**ITHMARVS natione Gallus monasticam à teneris in Corbeia Franciæ professus vitam, tantum probitate morum doctrinæq; constantia, cum apud suos, tum apud piissimū Imperatorem Carolum Magnum valuit: vt dignus putaretur in eorumcooptari numerum qui Saxoniam totumq; septentrionem verbi Dei semente excolerent. Quare D. Ansgario socio ductoreque in Saxoniam primum venit, deinde iactis in ea religionis fundamentis mare Balthicum traiciens Bircam Sueoniæ metropolim penetrauit, penè nudus à piratis spoliatus. A Rege tamen & incolis susceptus nouellæ plantationi doctrina verbi & operum sanctitate strenue insudauit. Multos igitur & ipse Christo Domino sua prædicatione lucratus Corbeiam cum triumpho rediit fratribus ad cuncta gaudentibus narrans quantam innationibus Dominus gratiam ostendisset. Vtinamque eadem felicitate perdurasset fides, qua instituta eius fuere primordia. Sed enim serpens antiquus tam salubribus institutis calliditate sua multum obfuit. Quippe sanctis auctoritatem nonnullorum opponens, tantas excitauit in Regno procellas, vt publica prædicatione locum non haberet. Ceterum proceribus auersis plebs in fide erudita quantum licuit filiis acceptam à Christi prædicatoribus religionem inculcavit & in occulto, salutem largiente Domino ad multos propagauit. Vithmarus autem ad amica claustris silentia reuersus, reliquum vitæ in contemplatione rerum cœlestium ac vigiliis transegit, & tandem bono fine quieuit.

A piratis spoliatus.

Multos Sueones Christo lucratus Corbeiam rediit.

Factio Procerum religioni noxia.

De eo authores supra citati in vita S. Ansgarii. Tempus vero quo in Sueonibus erudiendis versatus sit, apud authores quos sequor non inuenio.

SIMON